



O Volapükaf lens Löfik !

Tü fin yela glidob alani olas : Valikosi Gudikün. Kritidazäl okömon suno, do ün tim obas, zäl at jinon dulön ti laf yela !

Flen obsik <Kapovül> esludom ad tävön lü Jveizän ad juitön skiyami ko sevädans anik. Sekü atos, esäkom obi ad bukön tuvedotis tefik säkadas lätikün. Ekö ons :

SÄKÄD CILAS : Jiels <Janin> e <Katrin> binofs jikilädans; ab jiel <Loren> äbinof in dom !

YAG: Yagans binoms lefat, fat e son !

Su pad 98 kanols logön vödis Kritidakantis tel vemo pöpedikas. Kikodo no kanitön-li onis tü Kritidadel ? Stripüls bevü tonats anik sinifons misuris musikig plu ka bali, ab cedob, das lids at binons komunöfiks.

Cifal <Bishop> egetom penedi de söl <Tom Heldt> se zif Kiel (Deutän). Ekö setrat se penedi omik :

„Tradutod latinik buka dis tiäd : <Plin Smalik> jinon binön pöpedik in Greta-Britän. Nunal Lireyänik in Deutän änunom obi dö tradutod at ven äsukob tradutodi gaelik. In Deutän dido no sevoy dö dabın ota. Igo latinatidans fol oba no äsevons nosi dö at jüs egetons oni de ob as legivoti. Bi binon Bür Sperantapükik in zif oba, dalabob tradutodi at, do no suemob vödi balik ! Nu binos turn ola äsi kevolapükanas ad tradutön oni ini pük olsik. Kanob sagön ole, das ma plak oba, <Plin Smalik> binon vemo fasilik ad tradutön, bi palauton me vöds balugik, e binon vemo brefik. I binon mu cogedik. (Elärnob Nedanapüki ün mod at büä eprimob ad konletön dabükotis in püks difik bü tim lunüpi.) Dabinons konletans da vol lölik, kels ovilons dalabön tradutodi Volapükik.“

XII:90:99

PLIN SMALIK (I)

FA ANTOINE DE SAINT-EXUPÉRY

Ven älabob bäldoti yelas mäl elogob, naedü bal, magodi magifik in buk dö rufot, kel pätiädon <Konots *Peplaköl*>. At ämagon lesneki : böad, kel äslugon kati sovadik. Ekö kopied däsina *.

Äsagoy in buk: <Lesneks böad slugons ravoti lölöfiko, nen maskön onis. Poso no kanons muñon plu e slipons dü muls mäl dicetao okik>.

Nu emeditob mödo dö ventürs cungala, e, turnü ob, eplöpob, me kölastib, ad däsinnön däsini balid obik. Däsin oba nüm bal. Äbinon äs atos : *

Ejonob mastavobi oba daülanes ed esäkob onis, if däsinn oba äjeikon onis.

Egespikons obe : „Kikodo hät jeikonöv - li ? ”

Däsin oba no äpladulon häti. Äpladulon lesneki böad, kel ädiceton leefadi. Poso edäsinob ninedi lesneka böad, sodas daülans kanonsöv suemön. Neodons ai plänis. Däsin nüm tel äbinon äs atos : *

Daülans ekonsälons obi ad posbinükön däsinn lesnekas böad maifik u färmükölis e ad nitedälön buikumo tefü taledav u jenav, tefü kalkul e gram-at. So eklemob, bäldotü lifayels mäl, vokedi magifik pänana. Pisäkurad-ükob dub nesek däsina obik nüm bal e däsinn nüm tel. Daülans neai suermoms bosi soaliko, e binos fenüköl, pro cils, ai ed ai ad givön ones plänis.

Sekü atos, emutob välön vobodi votik ed elärmob ad flitükön flitömis. Eflitob bosilo valöpo in vol. E taledav, jenöfo, edünnon obi mödo. Äsebob distidön, logedü balid, Tsyinäni de Larizonän. Binos verno frutik, ven epöla-vegoy dü neit.

So elabob dü lif oba kumis kosädas, ko kums dinas fefik. Elifob mödo ko daülans. Elogob onis verno nilikao. Atos no egudükumos tumödo cedi oba.

Ven äkolkömob pösodi, kel äjinnon boso klülälük, äblufob tefü atan däsinn obik nüm bal, keli ai ekipob. Ävilom sevön, va pösod at äbinon vo stäänälük. Ab ai ägespikon obe : „Binon hät.” Täno no äspikob atane ni dö lesneks : böad, ni dö lefots virgik, ni dö stels. Äpladob obi tö nivod atana

XII:91:99

Äspikob one dö el <bridge>, dö el <golf>, dö bolit e dö särvigakravats. E daulan äbinon verno kotenik ad sevädön ko men so tikälik.

Kludo elifob soaliko, nen ek, ko kel äkanob jenöfo spikön, jüs mijäfid in däsärt Saharänik bü yels mäl. Bos ibrekön in mufükian obik. E bi no älabob ko ob ni mufavani, ni ketävans, äpreparob ad steifülön ad dunön obo it, nätukodi fikulik. Äbinos pro ob din lifa u deada. Töbo ilabob vati ad drinön pro düps jöl.

Ûn soar primik eslipikob klu su sab fagü liöls mil de topäd seimik pelödüköl. Ya äbinob plu soelöfik, ka nafädan su floted zänodü Sean. Seko omagälol süpädi, delaprimo, ven vögil drolik egalükön obi. Äsagon :

„Begö ! . . . Däsinolös pro ob jipi . . . ”

„Zö !”

„Däsinolös pro ob jipi . . . ”

Ebunob sui futs oba äsif piilapob me leklär. Eröbob gudiko logis oba. Gudiko elogedob. Ed elogob manüli smalik go nekösömiki, kel ävätälom obi fefiko. *Ekö pötret gudikün, kel, latikumo, eplöpob ad dunön de om. Ab däsin oba, fümiko, binon mödo nephu dafredüköl, ka sam. Atos no binos pök obik. Pisäkuradükob in cal obik pänana fa daülans, bäldotü yels mäl, ed ilärnob ad däsinön nosi, pläamü lesnekis : böad färmükölis e lesnekis : böad maifikis.

So älogedob dasevädükami at ko logs lölo klöpiks me stun. No glömolös, das äbinob fagü liöls mil de topäd valik pelödüköl. Nu manül oba no äjinson obe ni pölavegan, ni deadik kodü fen, ni deadik kodü faim, ni deadik kodü soaf, ni deadik kodü dred. No ilabom jini cila piperöl zänodü däsärt, fagü liöls mil de topäd valik pelödüköl. Ven fino äplöbob ad spikön, äsagob ome :

„Ab kisi dunol - li us ? ”

E täno ädönuom, nelaodiküno, äs din verno fefik :

„Begö ! . . . däsinolös pro ob jipi . . . ”

XII:92:99

„Begö ! . . . dāsinolōs pro ob jipi . . . ”

Ven mūster binon tu magādabik, no daloy nelabedōn. So taālik ās etos ājinos obe, fagū liōls mil de topāds valik pelōdūkōls e riskādū dead, āsumob se pok obik blogi papūra e fulūkapani. Ab tām āmēmōb, das istudob pato taledavi, jenavi, kalkulavi e gramat, ed āsagob manūle smalik (ko bosil mivima) das no āsevob vio dāsinōn. Āgespikom obe :

„No binos vetitik. Dāsinolōs pro ob jipi.”

Bi neai idāsinob jipi, ādāsinob dōnu pro om te bali dāsinotas tel, kela ābinob fāgik. Eti lesneka : bōad pefārmūkōla. Ed āstorditob ad lilōn manūli smalik, kel āgespikom obe :

„Nō ! Nō ! no vilob leefadi ninū lesnek : bōad. Bōad binon vemo riskādik, e leefad binon tu vetādik. Lomū ob, binon ya smalik. Neodob jipi. Dāsinolōs pro ob jipi.”

Tāno ādāsinob.

Ālogedom kūpāliko, tāno :

„Nō ! Et binon ya tu malādik. Dunolōs votiki onas.”

Ādāsinob.

Flen obik āsmililom gudāliko, gōniko :

„Logol gudiko . . . no binon jip, binon hijip. Dalabon honis . . . ”

So āgedunob dāsini obik. Ab pārefudon, ās dāsins būik :

„At binon tu baldik. Vilob jipi, kel lifon lunūpo.”

Seko, defū sufād, bi āspidob ad primōn seasumi mufūkiana obik, āskātob vifiko dāsini at*.

Ed āgeob :

„At binon bog. Jip, keli vilol, binon nino.”

XII:93:99

Ab äbinob verno süpädik ad loegön stralön logodi cödana yunik oba :

„Binos kuratiko utos, kelosi ävilob. Cedol - li, das jipe at zesüdon yebi mödik ?”

„Kikodo - li ?”

„Bi lomü ob binon vo smalik . . .”

„Osaidon fümiko. Egivob ole jipi vo smalik”

Ästutükom kapi lü däsin :

„No äs smalik äs atos. . . O ! Eslipikom.

E soiko äsevädikob ko plin smalik.

♫ ♫

LÄD NEODÜLIK

„Ed atos sagob ole,” läd bäldik ezuniköl äspikof, kel ikonstatof, das pita-tedulan fädo isleitom boso päkili oka, „ed atos sagob ole: no dunob plu stepi bal ini selidöp ola.”

Ab vig no nog bal ipasetikon, ed äkômof dönu, ed äremof paunis lul juega.

Ven ikômof lü dünetatab e selidöpan isleifom moni ini layet, lätikan äküpetom sarkadiko: „Ed ätikob, das no ödunol plu stepi bal ini selidöp oba !”

„Atos äbinos i desin obik,” läd bäldik ägespikof, „ab äneodob sabi pro bok kata obik, ed ati neläbo äkanob dagetön neseimo in nilöp pläamo de ol.”

♫ ♫

SAP ALDELIK

Binos gudikum ad deadön stimiko, ka ad lifön nesnatiko.

Givön konsäli fopanes binos gifön vati su gan.

LÖF E TELEGRAM (DIL FOLID)
FA HOLGER DRACHMANN

Ye; - äbinos luspikot ! Äbinom yunik, läbik e pos düps nemodik öbinomöv
lûson läbik konsulana !

E ye; - äseifom nogna; no demü konsuln, no demü daut, ab . . . binos
neplidik, das no kanom matön dauti, nen das mot sukof !

Täno ägolom lû konsuln, fo yan kela vabs tel ästanons.

Äpedom nami söla <Michelsen> ed ägetom vini. Täno ägolom lû läds.

Tridöl da yan äliom luvokädi fibik ed älogom, das lefog fugöl vietikosa
ädepubon ini cem nilikün. Älogom zûo in sälun. Su cemaglun äseistons juks, stogs,
heranads, niklots, heralain, e su tab äseiston mirafestun su boved ko sab luimik;
äzogom dü timül, e poso ägolom lû tab, su kel boved ästanon, ed äbiegom oki love
festun, e lips oma änilikons lû grûn flifik.

Iglömom kofudami; lips omik pämufoas äs in plek, kela vödis no äanolom,
ab kela tiks lefuliko äfulükons siämi stedälik e snatik oma. Nevilöfo igolom ini klân,
ini kel te matan labom giti ad kömön. Giti at öjuitomöv ün soar, ab otûpo ba spels
modik ödepubonsöv.

Äplekom pro vomül yunik, jönik e löfik ut, keli nu älogom in siäm oka, ed
ispelom igo, if klân övedon ome kösömik, das neai öperomöv lefuliko spelis jönik
oka; id äplekom pro spel jönikün yunûpa oka, dö taked mana du juits e du neläb. E
devod omik at, du kel vero äfünom mati oka pätpunon fa jimatan konsulana.

Äkömof naföl da yan, peklotöl in satinagun yelovik, glufs violätik e rosad
redikün in herem:

„Godö ! Stanol - li is ? No binos gidöfik ! Gam no mutom logön jigami büä
okömofo ini glüg.“

E zu du klotam - „Is seiston verato stogs cila - e niklots ! Moflekolös oli !
Gode dani, das no ikömol, du vomül <Frandsen> äklotof ofi ko disagun - u gun.
Kömolös nu ! No kredolös, das espälobs. Mets teldeg de satinastof gudikün pro gun !
Efinükol - li festuni ? Fi ! verato ikredob, das no ol üdunol so ! Ab so ai mans
kondötoms. Nos binos saludik omes. Finükön mirafestuni, büä kömons lomio oksik !
A ! binos so glumik. Daut löfik oba ! - Nu gololös ! - mutobs klotön jigami ola
lefuliko !

E täno pämatirajanons, e täno ökömons lomio oksik, e täno öbinons
matans.

XII:95:99

Ed ävedos göd, ed ävedos soar - dels balid, telid e kilid. Käpten <Anton> äbinom in stad gluma e deva demü visits, noteds, smils valiks, e demü jonam alik cemas loma omik.

Dugäl kăptena <Anton> pizôgom, ab nat omik äbinom gudik; ädunom in lom okik, te pedugôl fa nat gudik oka. Ye äbinom man yunik - nämik e nobaladâlik, kel balidna in lif âlofom vorri.

Pos vig bal âkômom glumiko lû konsulan bâldik in bûr privatik atana.

Änoom, ven konsulan âlofom ome zigari; ko glum âsagom konsulane, das daut omik no ai äbinof âs ôsôtof binôn.

Sôl bâldik <Michelsen> âlumufom jotis:

„Vornaluspik! Älabob luspiki otik ko mot ofik, e ye äbinof viudan, ven âmat-ûkob ofi. Ab stebedolôs ! No binolôs tu hitâlik ! ”

„Binob leno hitâlik ! ” âspikom <Anton>.

Konsulan âlogedom lûsoni.

„No binol man ! In zif lôlik no dabinom man, kel binom so stedâlik âs ol. Te binol tu yilik, - ekô kod ! ”

„Ag ! ”

„Binos luspik. Voms ai binofs voms. If no binofs gudiks, ven tôlatoy ofis gudiko, tâno no ! sagob no, das binos zesûdik, das tôlatoy ofis badiko. Godô ! Ab fûmâl binon zesûdik. Ün dels anik, vedolôs semikna zunik; sagolôs, das omonafol ûnû vigs anik; e garanob, das matanil ola oyilof, ed ûn tim okômôl obinof gudik ai. Ya binof cil gudik; ed if te dâlof sukôn klienis oka e no ai olilof moti oka . . . ab, no dâlob sagôn tu môdo, suemol obi fûmo, no - li ? Nu edekôtob tipî zigara. Plidolôs ! filidolôs oni e dunolôs âs esagob ! ”

Pos dels anik sôl <Anton> âgekômom ed âsagom smilôlo:

„Eyufos, o lûfat ! ” Danô ! ”

„Benovipob oli ! ” sôl bâldik âsagom.

Lelôfadels hitik no nog efegolons, ed äjinos âsif lôf gretik neai idepubonôv.

Vûtimo dugan vônîk nafa ivedom saunik dônu; do iniludom, das dead

XII:96:99

isumonöv omi. Äbinos sekü atos, das <Anton> älvom cali oka gaenätü om, kel lölo äbinom man skilik e dünavilik.

<Anton> ädesinom ad neai plonön. Ab - älabom cali nonik; igetom famülü, e famül oma iyufom omi ad mekön debi. Lio dunön - li ?

Öplidom nafani yunik ad dagetön dönu nafaduganacali vönik. Äbinom stimasukik; ab läb oma tefü nafam e läb oma tefü löf no ikodos, das ivedom pleidik; zu äbinos zesüdik, das änulüdom famülü oka.

Neläbiko naf, keli vöno idugom, imonafon dü tim nelunik lü Vesüda-Lindän, ed in pof no äbinom atimo naf gretikum.

Poso nafalaban äbegom omi ad kómön. Ägolom lü om, e ven ätridom da yan, älogom nafalabani, kel len tab ästanom ko telegram in nam okik:

„Binos - li verätik, das ematol ? ” äsäkom nafalaban ko vög fefik.

„Lesi ! ”

„Binos gölik ! Binol man yunik, e lüfat olik no okanom yufön vemo oli. Nolo! - li atosi ? ”

<Anton> äsagom nosi.

„Benö ! no tefos obi, ed alo binos tu lätik nu. Edugol nafi söla <Esbensen> beno e ko läb. Äbinol dugan skilik su naf obik. Egetob agödo telegrami at, ma kel naf obik seiston in pof <Falmouth>, bi mel ämosumon nafadugani ota. Pos medit anik, esludob ad lofön ole cali nafadugana edeidöl. Binol - li vilöfik ad lovesumön nafi, kel seiston in <Falmouth> ed us kälädön menodis anik ? ”

<Anton> äsenom, das cügs äflamons, e fog äkómon foi logs omik.

Nafalaban älogedom omi, e täno äsagom ko vög votik :

„Etelegrafob sunädo nafadugane <Nielsen> ed i konsulane in <Falmouth>, dat baläd zesüdik okanon dunön. Binob kotenik, if onünol odelo obe gespiki ola, if täno okanol tävön me tren soaro. Adyö ! ”

<Anton> äbinom legälik. Äspidom lomio okik ed in bun lebalik äbinom in fidacem. Ti ifälükom jidünani, kel ästeifülof ad klänedön lusmil dub simul süpädik.



XII:97:99

LÄRNOD TELDEGVELID - MELATÄV E LUTATÄV

Āvigo ādugadob fleni jū <Veracruz>; ādtāvom lū <New York>. Ven ālūkōmōbs inī pof, ālābōbs nog dūpi livik bal būā stēmanaf ōdenafon. Klu [u: demū kot ad] āboidob obi ko flen obik. De dāk ālogob, das toviaŋ gianagretik āļevopolon lodoti inī nafaspadād. Skīp ādūnon jāfotis okīk, du kāpten ālēlogom de nafapon. Stēmafūtūl ātonon; visitans ānēxānons ve boidatridem. Trānanafs āyufons stēmanafi ad senāfōn de [u: se] ninapof, du tāvans ālēfānons as leditaglid lū flens e famūls oksīks su kāv.

Poso mö dels nemödik, ämutob golön lü <Houston> in Tăxasän. Täv äbinon dranik, ed ädunob tävi me flitöm. Loatatood äblinon obi jü flitömapof. Ämutob beigolön tolädabüri ad leadön kontrolön dientifadi obik, ed ägolob sunädo lü flitöm, kel äprimikon ad devegön. Ähöidob obi. Äfimükob obi me zön. Tü düp ze jölid göda flitöm älivikon. Älanobs mö minuts anik bü düp: dectel.

LÄRNOD TELDEGJÖLID - IN STEMANAF

Isio pro stemanaf lü <New York> ! Kipolsöd blümo dientifädīs olsik, begö ! . . .
Detio tävans klada balid, nedetio tävans klada telid . . .

Ekö! binobs uto, kö mutobs binön. Buükol - li ad stebedön is su däk u ad nexänön lü käben olik ?

No sevob osi. Ludredob ad vedön melamalädik.

Zō ! zō ! Mel binon so takik, das riskād ad vedōn melamalādik no dabinson.
Seidobsös obis is su dāk ! ...

Etävol - li mōdiko ?

Nemu love mel. Seimna [u: balna] eloveikob love lebug Mäxikänik su veg lü <La Habana>, e mutob sagön notodäliko, atos leno äbinon plitik.

Kikodo no tävol - li me flitöm ?

Ebo atosi odunob pō naed balidkōmōl. Alo atos no kanon binōn badikum ka melatāv neplitik; e zuo neplit tāva opaseton vifikumo.

Gö ! cedob, das nu binos tim ad säboidön obis . . . Labol - li tolabotis ?

Tio nosi, ibä [u: bi] kōmōb sekū vaken. Labob nosi patik lā ob.

(☛ tolabotis = anything to declare.)

KRITIDAKANITS TEL

- | | |
|---|--|
| 1. Kõm-olsöd ! kritans,
Läbiks ed i yubiks.
Kõm-olsöd ! kõmolsöd !
Lü <Be - tlehem>.
Kõm-olsöd ! logols
Regi Silananefa.
Kõmolsöd ad leplekõn,
Kõmolsöd ad leplekõn,
Kõmolsöd ad leplek-õn
Kristusi, Lesöl ! | 2. God s-e Go-d,
Li-t s-e Li-t;
Ekö ! tüerüdi
virgik no taom.
Go-d veratik,
Balik, no peja-föl.
Kõmolsöd ad leplekõn,
Kõmolsöd ad leplekõn,
Kõmolsöd ad leplek-õn
Kristusi, Lesöl ! |
| 3. Kanitolsöd ! o kor
Silananefa; kanitolsöd
In levikod at sülik:
Glori lü Go-d
In Geilikü-nöp !
Kõmolsöd ad leplekõn,
Kõmolsöd ad leplekõn,
Kõmolsöd ad leplek-õn
Kristusi, Lesöl ! | 4. O Söl ! glidobs
Oli ün göd at läbik;
O Yesus, glori O-le givoyöd:
Vöd verik Fata,
Is in mi-d puböl.
Kõmolsöd ad leplekõn,
Kõmolsöd ad leplekõn,
Kõmolsöd ad leplek-õn
Kristusi, Lesöl ! |



- | | |
|--|---|
| 1. Seilaneit, neit saludik,
Val takon, val nidik.
Zü mot virgik e cilil müdik,
Sügäb fibik, müki-k, püdik, ♣
Slipolös in püd süli-k,
Slipolös in püd sülik. | 2. Seilaneit, neit saludik,
Drem galedanas venik.
Glor flumo-n se sü-l fagik,
Lelobis kanitoy valöpik.
Kristus, Savan, pemoto-m !
Kristus,, Savan, pemotom ! |
| 3. | Seilaneit, neit saludik,
Son Goda, Lit Löfik,
Nid stralon logodao Omik,
Lelivüka bene-d nilik,
Yesus, tü moted Oli-k,
O Yesus, moted Olik. |



AB SOL NIDON AI PLU . . .

„Vilol - li spatön boso ?” äsākom el <Max>.

„Golobsös lü top ot, kö ākonol obe dö jimatān, kel ālüvof matāni e cilis ofikis ad logön voli !” āsagom el <Kar>.

So āspatoms lü top ot ed āseadoms kobo su bam ot. Vienül koldülik ābladülön dönu, e valikos ābinos takādik.

„Nulālob nog,” āprimom el <Kar>, „vio jimatān omik ākanof lüvön omi, ven ipenof ome, das ālöf of omi.”

El <Max> āmeditom.

„Semikna mutoy lüvön löfābi nen nolön kikodo.”

El <Kar> ālogetom föfio ini fag.

„Ko el <Tabit> obas ābinos verāto so, no - li ?”

„Lesi !” āgespikom el <Max>, „ya binos müster, keli neai fuliko osuemobs.”

Strals sola ābinons vāmiks. Dü timül, lefog ādagükon soli. Nilü oms, davatof ālagon de tuig bimūla. Ālogedoms davatofi, kel āgefłākon lit sola. Ābinon davatog teik us; votiks ja ifalons glunio.

El <Max> āsagom : „Logolös ! Vio jōnik binon, ab suno operon jōni oka, bi lif oka fūmiko binon lit sola, kel givon lifi valikose su tal.”

El <Kar> ātovom kapi okik. Pianiko davatof āvedon ai lunikum, e fino ādofalon sui glun.

Tāno āsagom ele <Max> : „Binobs kuratiko ās davatof at, no - li? Lifobs da yels, ab fino perobs lifi ās davatof at.”

„Lesi !” āgespikom el <Max> - lif obsik jinon finükōn, ab sol nidon ai plu !

XII:100:99

Sekü atos, kanols reidön dilis primik tel konota at su pads *Sirkülapenāda* atmulik. Etradutob konoti de bukil Fransānapükik. To lesag söla *Heldt*, das „binon vemo fasilik ad traduton,” mutob sagön, das etuvob tradutodi at saido fikuliki ! If Fransānans bevü ols olabons krütis u mobis frutiks ad gudükumön tradutodi obik, sedolsös otis obe, begö !

E nu okanols logön dāsinotis, kels pamalons in vödem it me stelül (*).

Ekö dāsinot balid, kel jonon böad kobopedian :-



Dāsinot telid :



Dāsinot kilid :



Dāsinot plina smalik :



Dāsinot jipa :



E fino, dāsinot mälid :



Spelob vemo, das ojuitobs ventüris plina smalik !

Kritidazālaglidis Stedälükün

sedom

Ralph